

晉城歷史名人文存
吳廣隆 馬甫平 主編

東谷集

清 白胤謙 著
第 四 冊

中州古籍出版社

吳廣隆 編審
馬甫平 點校

東谷集

清 白胤謙 著
第 四 冊

中州古籍出版社

圖書在版編目(CIP)數據

東谷集/(清)白胤謙著;馬甫平點校.—鄭州:中州古籍出版社,2016.3

(晉城歷史名人文存)

ISBN 978-7-5348-5980-9

I. ①東… II. ①白… ②馬… III. ①古典詩歌—詩集—中國—清代②古典散文—散文集—中國—清代 IV.

① I214.92

中國版本圖書館 CIP 數據核字(2016)第 043123 號

叢書名:晉城歷史名人文存

書名:東谷集

著者:(清)白胤謙著;馬甫平點校

責任編輯:王建新

責任校對:賈群

出版社:中州古籍出版社

(地址:鄭州市經五路 66 號 郵政編碼:450002)

發行單位:新華書店

承印單位:晉城市新浪印業有限公司

開本:850mm×1168 mm 1/32

印張:57.875

字數:512 千字

印數:1-700 套

版次:2016 年 3 月第 1 版

印次:2016 年 3 月第 1 次印刷

定價:480.00 元(全套八冊)

本書如有印裝品質問題,請與承印廠聯繫調換。

東谷集文卷五目錄

誌銘

聖符白君墓誌銘

.....

(六九五)

勅封孺人王母張氏墓誌銘

.....

(六九八)

成子不費墓誌銘

.....

(七〇三)

福建建南道兵備按察司僉事瞻淇趙君墓誌銘

.....

(七〇五)

清故冀山張封翁墓誌銘

.....

(七一)

真定府平山縣知縣高公墓誌銘

.....

(七一六)

原任刑科給事中沁湄楊先生墓誌銘

.....

(七二三)

封文林郎山東道監察御史上官公配封安人王氏墓誌

銘……………(七二八)

清故儒林郎浙江道監察御史加一級泉山陳公墓誌

銘……………(七三二)

清故勅封文林郎陝西道監察御史繩武張公暨配石孺人延

孺人合葬墓誌銘……………(七三八)

清故福建都轉鹽運使司運使心盤王公墓誌銘……………(七四四)

勅贈內翰林弘文院檢討加一級文林郎集公喬公暨配張孺

人墓誌銘……………(七四七)

長洲先生墓誌銘……………(七五一)

東谷集文卷五目錄

誌銘

聖符白君墓誌銘

.....

(六九五)

勅封孺人王母張氏墓誌銘

.....

(六九八)

成子不費墓誌銘

.....

(七〇三)

福建建南道兵備按察司僉事瞻淇趙君墓誌銘

.....

(七〇五)

清故冀山張封翁墓誌銘

.....

(七一)

真定府平山縣知縣高公墓誌銘

.....

(七一六)

原任刑科給事中沁湄楊先生墓誌銘

.....

(七二三)

封文林郎山東道監察御史上官公配封安人王氏墓誌

銘……………(七二八)

清故儒林郎浙江道監察御史加一級泉山陳公墓誌

銘……………(七三二)

清故勅封文林郎陝西道監察御史繩武張公暨配石孺人延

孺人合葬墓誌銘……………(七三八)

清故福建都轉鹽運使司運使心盤王公墓誌銘……………(七四四)

勅贈內翰林弘文院檢討加一級文林郎集公喬公暨配張孺

人墓誌銘……………(七四七)

長洲先生墓誌銘……………(七五一)

東谷集文卷五

清 白胤謙 著

誌銘

聖符白君墓誌銘

嗚呼痛哉！是惟余弟聖符之墓。余家世系自義官公諱清，而下高祖文學公諱子富，曾祖贈少司徒公諱道，祖省祭公諱銘生，崞縣司訓公諱所蘊，是爲家大人。嘗躋於嗣，四十餘先妣成孺人始舉余兄弟，愛之不啻雙璧云。聖符諱胤恒，少余二歲。十七補邑庠弟子員，輒善病，患滯下者靡歲不數數作。然而精勤整練，家大人時以家務委託聖符，聖符夷然不屑也。雖日奉身藥餌中，而研田迄無曠咎。久之，與里中諸名士論社，廣文趙孝廉先生深賞其

東谷集

文

卷五

六九六

文，有先『後着鞭』之譽。亡何，聖符以病試失利，退則攻刻益力。會學使者拾遺之役，聖符決意上太原，雖父若兄不能奪。比太原歸，跋涉勞頓，業癯然不勝衣。訊之，謝無恙也。居四日而病，病倏劇，又六日而卒。是夜狂風暴作，大雨如注。次日近午雨止，則後易簣，一瞬耳。病中往往口道：『帝徵某急，不得辭。』卒七日，余夢聖符告余曰：『帝用某爲博士矣。』嗚呼！白駒送杜，赤虬迓李，宣其然哉！聖符生而茹素，嗜古愛潔，操履端嚴，意不可一世，卒未嘗輕肆齒頰。性篤倫理，讀書至古忠臣孝子，每向余誦說，輒汎瀾泣下。以故生平獲親信友稱聖符孝弟者無間言。今年夏，偕余辟暑齋居，兼有一二知己，日夕從事

碁酒間，磊落爭讓，未覩一狎嫚態，蓋不言而飲人以和矣。又喜爲韻事，修花植本，品泉移石，維日不足。近稍習爲五七言詩，亦□澹有致。往歲丁卯，余從家大人官雁門，聖符經紀一切家政如承蜩也。私幸仲氏克立門戶，余得以繼□文史，苟免身世憂。迺天奪之，遽毀我令原命也。夫聖符以萬曆戊申八月初六日生，崇禎庚午八月念一日卒，年纔二十三耳。娶衛氏，大司馬桐陽公女。子男一曰方熙，甫七歲，聘庠生賈益默女。女三：長五歲，許字庠生崔鼎鉉子洪初；次三歲，許字庠生崔鼎新子澤初；又次產甫彌月。以是年九月念日葬先孺人墓側，銘曰：子往銅鞮泥雨濕，送子于行嗟何及！死生有命聞諸昔，幸然有子萬事畢。遺我

東谷集

文

卷五

六九八

以難子處逸，我則何心拊石泣。

勅封孺人王母張氏墓誌銘

孺人，謙外母也。外父郡丞王公沒於萬曆乙卯，後二十餘年爲崇禎戊寅八月庚戌沒，得年七十有三。厥子茂才君伯仲，以十一月甲申祔孺人柩郡丞公之窆，而屬誌銘於謙，不以狀，曰孺人之懿，謙知也。弗獲固辭，遂劬勩爲誌之。誌曰：孺人姓張氏，父拱元，母劉氏。生而端重，容止婉婉有則。于歸日，郡丞公方窮，約爲諸生，好讀書，不問生理。孺人身辟纊佐之，執勞不敢怠，奉饋食姑徐太孺人唯謹。及公舉於鄉，筮仕爲靈寶令，綦縞從官，迎徐太孺人就養，亡不伺所欲而敬進之。治閭以簡，不事

煩苛，而方舟泳游悉中度。口不道金錢，手不披紈綺，意泊如也。以故公治靈寶，廉能聲懋著。政成，孺人得受封爲命婦，躬被翟綸若固有之。詩稱『如山如河，象服是宜』，孺人有焉。既公擢丞常州，政事勞勩感病，歸殞於道。時孺人近艾，稱未亡。諸子女半嫁婚，乃默識從子之義，外事一委諸長君。纔畢嫁婚，即弛其管籥，聽諸子析業。獨退處一室中，日斂衽端坐，終其身弗踰閬。雖姻鄙稚幼，罕得覲其面。每季秋誕日，諸子若婦暨諸女進，稱觴上壽，璫繡盈門，衍衍然樂也。長君文行藉甚膠庠，終期紹其先烈。仲氏偶儻握兵符，捍此一方。季復挺然茂士中，稱克家。諸孫蘭駢蕙蕃，既庶孔嘉。即諸外孫男女，亦衆至二十

東谷集

文

卷五

七〇〇

人。胡其枝葉繁盛爾邪？今歲偶感末疾，顧執意不聽醫藥，曰：『吾何望哉？吾夫子不及耆而吾得踰老，不及抱孫而吾撫有曾孫，吾何望哉！』臨革，更無他語。嗚呼！若孺人者，亦可以亡憾矣。始謙在襁褓，孺人之季女在娠，先君已受郡丞公約爲婚姻。逮謙長，弗克拜公，獨起居孺人歷年。所欽其母儀肅穆，如玉在山，珠在淵，望之粥粥然無能，而實矯矯獨行其志，洵貞母也。異時，從季女得孺人相夫狀頗悉，大約儆戒以成其志，委順以適其心，所聞琴瑟友之不啻是矣。在《易》之坤，順而能承故曰妻道，靜而廣生故稱大母。以謙觀孺人，性行寬忍，慈惠溫良，恭敬慎詳，罔不一與道合。將約一二言舉名之，則惟曰順靜，無所

取之，取諸坤而已矣，即安得不爲婦德之正歟！孺人生平寡言笑，絕齒不掛人短長；御諸婦明恕有恩，惟恐或傷其意；奉已絕廉，飲食服用取足一身外無長物；諸女歲時致餽，少所取，猶申申戒勿復；雖服再澣衣，咸楚楚若新，珠翠纖纈非大事不出諸笥：凡皆懿則之可紀者。又異者，不諂信浮屠師巫，此近世筭禱奔走如驚，而幾幾得一孺人卓然爲正之，可謂明也已矣！可謂遠也已矣！詎不難哉！孺人生三子：用俊，邑庠廩膳生，娶庠生吳竟成女，繼成明女；用良，繇太學生授寧山衛指揮僉事，娶孺人弟壽官張崇照女，繼衛聖言女；用翼，庠生，娶謙從姊，伯父工部尚書白公女。四女：長適庠生吳養志子庠生吳道亨，次適河南

東谷集

文

卷五

七〇二

右布政使田公子運判田起相，次適兵部尚書贈太子少保衛公子恩生衛廷亮，次是爲謙室。孫恂，庠生，娶湖廣監察御史楊新期女，繼庠生原懋質女。俊出。協，娶李若蘭女；次怡。良出。恪，庠生，娶庠生張會中女；次勺，承郡丞公姪、靜海縣知縣用士嗣；次悅；次相。翼出。孫女五：一適外孫廩生田紹宗起相子，一適增生栗時忻子庠生允恭，俱早卒；一適增生賈益讓子允揮。俊出。一許聘舉人趙士俊子庠生于鼎，一許聘韓城縣知縣石鳳臺子祿。翼出。曾孫一必昌，恂出。其銘曰：執勤勞於俶載，履之者維艱。都顯榮於盛節，受之者孔安。歛莊敬於考終，秉之者既純且全。窈兮窈兮，佳城繚兮。子孫世保兮，疇必偕老兮。

噫！嗚呼！

成子不費墓誌銘

不費諱惠人，予伯父司空公外孫，衛大司馬桐陽公孫壻也。生有異質。年十三，父用我任雒陽簿，偕兄友端往省。渡孟津，中流風怒，衆怖失色，獨假寐若無與。詰之，曰：『樂天知命，故不憂。』丁卯失所恃，朝夕攻苦，期進取，以得父歡。尤嗜古圖籍及名人帖，每竭力購求。嘗自歌曰：『不惜千金買詞賦，長門終老更何人？』久之，文大進。數以質予，皆卓犖有氣。其外父扶區孝廉喜語予：『君諸甥多神似，之子倍傑出乃爾。』無何，與友端應里選，邑父母楊公特奇之。尋同補博士籍，輒負笈澤之青

東谷集

文

卷五

七〇四

蓮寺，兄弟交勵，爲千秋業。會秦寇渡河東犯，父召以歸，歸則日邑邑如不克久居。以故賊稍西，屏迹城南別墅。忽於中秋前一日，隨兩奚步詣析城諸山覽勝。越三日，次栢崖。賊復突至，被滿巖谷。不費爲所掩，踰山而走，失足墮險死。或曰與賊鬪，度不敵，耻爲所脅，遂自投死。始不費喜談劍術，善馳射。方賊初掠東北，憤然攘臂，欲殲此朝食。嚮使提一旅衆，據阨塞，其芒穎逼見，而卒不試，反用是輕身遠出以敗。惜哉！不費生萬歷癸丑四月十一日，至崇禎壬申八月十七日死，年僅二十。葬之前，友端以狀并遺詩來，謂其生平酷學李長吉。予讀之，果幽秀得長吉一體，且時有讖句，與其死事符，益憐而怪之矣。銘曰：干將